

DR. MAHATHIR YAKINI PIMPINAN AN

BH 13 SEP 1982

KUALA LUMPUR, Ahad — Datuk Seri Dr. Mahathir Mohamad, hari ini meminta semua anggota UMNO, memberi kepercayaan terhadap pucuk pimpinan yang dipilih sendiri oleh mereka untuk memimpin parti dan kerajaan.

Perdana Menteri yang juga Presiden UMNO berkata, kedudukan pemimpin perlu dipertahankan bagi membolehkan mereka memikul amanah yang dipertanggungjawabkan.

Kedudukan pemimpin hanyalah sementara sahaja dan bukan sampai mati, tegasnya semasa menggulung hujah-hujah yang dibangkitkan semasa perbahasan ke atas ucapan dasarnya di Perhimpunan Agung UMNO Ke-33.

"Itulah sahaja yang saya minta kerana bagaimana hendak meneruskan perjuangan, jika ahli-ahli parti tidak memberikan kepercayaan, bahkan memikulkan pula berbagai syak wasangka terhadap pemimpin mereka.

"Jika ahli-ahli memikirkan ahli-ahli Majlis Tertinggi tidak layak, kita boleh membuang mereka dalam pemilihan tahun 1984," tambah beliau, disambut gelak ketawa para perwakilan.

Perdana Menteri menegaskan, mana-mana pemimpin yang tidak dipercayai, haruslah bersedia mengundurkan diri secara terhormat tanpa paksaan.

Perdana Menteri berkata, takrif tua sahaja tidak harus menjadi ukuran untuk meletakkan jawatan, tetapi yang patut dipertimbangkan ialah, sama ada seseorang pemimpin masih mampu memberikan kepimpinan yang berkesan.

"Jikalau sudah ada tanda-tanda yang menunjukkan para anggota tidak berminat kepada kepimpinan seseorang pemimpin, ia mestilah bersedia mengundurkan diri.

"Saya berjanji bila saya sendiri sedar saya sudah tidak popular lagi, saya akan mengundurkan diri, dan amalan demikian juga saya tuntut daripada semua wakil rakyat."

Beliau menyangkal dakwaan, kononnya apabila seseorang sudah tua, ia tidak dibenarkan oleh pucuk pimpinan menjadi calon.

"Saya merupakan Perdana Menteri yang tertua sekali (berumur 56 tahun) memegang jawatan di negara ini, jika dibandingkan dengan semua Perdana Menteri sebelum saya, tetapi tidak munasabahlah saya disuruh meletakkan jawatan itu sekarang."

Pilih kasih

Beliau mengangap wakil rakyat yang sukarela melepaskan jawatan dalam pilihanraya lalu, tetapi masih memberikan kerjasama kuat kepada calon baru yang bertanding, sebagai negarawan yang patut dijunjung tinggi.

"Saya harap wakil rakyat yang ada sekarang akan mencontohi mereka dan janganlah pada masa sekarang mengecam pemimpin lama yang enggan meletakkan jawatan, tetapi apabila tiba masa saudara pula, saudara enggan mematuhi."

Penjelasan itu dibuat kerana beberapa orang perwakilan mendakwa, terdapat pilih kasih yang tidak mematuhi perlembagaan UMNO dalam memilih calon bagi pilihanraya lalu.

Datuk Seri Dr. Mahathir memberi jaminan, beliau tidak pernah dan tidak akan mengamalkan

sikap pilih kasih dalam pemilihan calon UMNO, sama ada untuk jawatan dalam parti atau sebagai wakil rakyat.

Perdana Menteri menegaskan, sikap tidak memilih kasih ini akan terus diamalkan di masa depan.

Dalam hubungan ini, beliau berkata, cara pemilihan yang dibuat secara perundingan di antara Majlis Tertinggi dan bahagian-bahagian, akan diteruskan.

"Dalam soal memilih kasih ini, Tuhan tahu apa yang saya lakukan dan kalau nak bersumpah dengan Quran di masjid pun, saya sanggup," tambah beliau disambut tepukan bergemuruh perwakilan.

Datuk Seri Dr. Mahathir menjelaskan, kerana tidak mahu dituduh pilih kasihlah, beliau melarang isterinya bertanding dalam pemilihan pucuk pimpinan Pergerakan Wanita yang baru berlangsung.

"Saya memberitahunya, kalau nak bercampur dengan politik wanita, pergilah, tetapi tak usahlah bertanding, nanti ramal pula orang yang berkata, mentang-mentang suaminya Presiden UMNO, kita orang nak bolot semua."

Bagaimanapun, tegas beliau, jika ada di antara anggota keluarganya yang layak, adalah tidak adil mengeneipkan hak mereka menjadi calon, semata-mata kerana hubungan kekeluargaan.

"Tanyalah Datuk Harun, bagaimana usahnya saya nak memilih calon untuk negeri Selangor. Saya cuma tahu orang yang dipilih ada sedikit hubungan dengan saya, setelah beliau yang berkenaan dipilih," tambahnya sebagai mengulas perantikan adik iparnya, Datuk Haji Ahmad Razali sebagai Menteri Besar Selangor.